

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis
Ritibus omnium Ecclesiarum in psallendis Divinis Officiis, Tractatus,
Historicvs, Symbolicvs, Asceticvs. Sive Psallentis Ecclesiae Harmonia -
Opus novum, & curiosum, ac multiplici eruditione illustratum ... Operum ...

Bona, Giovanni

Parisiis, 1678

§. XVII. De Collectis. Collectae nomen aequivocum. Collectarum primi
auctores. D. Benedictus benedictionis nomine collectam indicat. De
salutione Dominus vobiscum, quae collectis praemittitur. ...

urn:nbn:de:hbz:466:1-9929

§. XVII.

DE COLLECTIS.

Collectæ nomen equivocum. Collectarum primi aucto'res. D. Benedictus benedictionis nomine Collectam indicat. De salutatione Dominus vobiscum, quæ collectis præmittitur. Notantur quædam de ultima collectarum clausula, & de hac voce Amen.

I. **I**nter minores Officii divini partes locum potissimum tenent breviæ orationes, quas Collectæ nuncupamus, vel quia Collectæ sunt ex auctoritate divinarum scripturarum: vel quia Sacerdos, ut notat [a] Innocentius Papa, totius populi preces colligit, & refert ad Deum: vel quia hujusmodi precatio[n]es populo in unum collecto fieri solent, idque Pamelius observat ad ea verba (b) Tertulliani, Quomodo colligemus, quomodo Dominica solemnia celebrabimus? Atque hoc sensu phrasis est antiquis Patribus, & historicis Ecclesiasticis valde usitata Collectas agere, convenire ad Collectam, pro eo quod communiter dicimus Ecclesiam aliquam orationis gratia adire. Etiam in (c) veteri Testamento cœtus fidelium, diesque solemnies Collecta dicebantur. Eadem voce pro conventu, & congregatione fratrum ad orationem simul convenientium utitur passim S. (d) Pachomius in Regula, quam Angelo dictante conscripsit. Paulus (e) Apostolus Collectarum voce utitur pro eleemosynis, quæ ad alendos pauperes colligebantur: *De Collectis autem, quæ fiunt in sanctos, sicut ordinavi Ecclesiis Galatæ, ita & vos facite: ut non cum venero tunc Collectæ*

a Innoe. 3. lib. 2. de myster. Missæ cap. 27. b Tert. 1. de fuga in persec. cap. ult. c Levitic. 23. 36. Deuter. 16. 8. 2. Iacob. 7. 9. d Pachom. reg. n. 2. 3. & 10. e 1. Cor. 16. 1.

532 . DE SINGULIS PARTIBUS

fiant. Scribit (*f*) Cassianus Sacerdotem post Psalmos collegisse omnium preces, unde usus Collectarum. Uranius in vita S. Paulini narrans obitum S. Joannis Episcopi Neapolitani, Ad Ecclesiam, inquit, processit, & populum ex more salutavit, resalutatusque a populo orationem dedit, & collecta oratione spiritum exhalavit. Breves autem fuerunt instituta Collectæ, quia brevis & pura debet esse oratio. Usus eorum antiquissimum esse colligunt quidam ex Liturgiis Sanctorum Jacobi, & Marci. (*g*) Berno Augiensis, & Sigibertus præcipuum earum auctorem faciunt S. Gelasium Papam. Sed Magnus Gregorius meliores, & emendatores in ordinem redigit, & ex iis librum composuit, quem Sacramentarium inscripsit. Hic mihi primarius Collectarum Auctor fuisse videtur: nam ante ipsum rarior earum mentio apud Scriptores Ecclesiasticos reperitur. Refert (*h*) Jonas Abbas in vita S. Eustachii Luxoviensis Abbatis quendam Schismaticum Regulam S. Columbani inter cætera accusasse, quod plures Collectas in divinis officiis multiplicari juberet: quod tamen rationabiliter institutum S. Abbas ostendit in Synodo Matisconensi. De Collectis eorumque in Ecclesia Latina origine, antiquitate, auctoriis, seu inventoribus, ratione, atque usu, extat insignis Commentarius Claudii Espencei Theologi Parisiensis.

II. Illud autem hoc loco obiter notandum, quod facit ad intelligentiam cuiusdam monasticæ sanctionis. Sanctus enim Pater (*i*) Benedictus nocturnarum vigilia um ordinem ditponens Dominicis diebus post duodecimum Responsorium dicto Hymno *Te Deum laudamus*, præcipit ut Abbas legat Evangelium: lecto autem Evangelio, & data, inquit, benedictione incipiant Matutinos. Dubitavi saepius, fateor, quidnam intel-

f Cass. l. 2. de Inst. ccen. c. 7. & 10. *g* Berno de Missa cap. 1. Sigibert. anno 687. *h* Jonas Abb. c. 3. *i* Bened. reg. c. 11.

Figeret beatus Pater per benedictionem , quam dari
 vult , antequam Laudes incipientur. Nam omnes Mo-
 nachi Collectam officii currentis legunt , post quam
 immediate subsequuntur Laudes. Sed inveni tandem ,
 qui nodum solveret (k) Amalarium Fortunatum. Epis-
 copus , inquit , vel Sacerdos dicit *Oremus* , ac deinde
 sequitur benedictio. Utroque nomine benedictionis ,
 & orationis vocatur oratio Sacerdotis. De benedictio-
 ne dicit Apostolus , (l) *Si benedixeris spiritu , qui supplet*
locum idiotæ , quomodo dicit Amen super tuam benedictionem ,
quia nescit quid dicas ? Hanc benedictionem vocat Ambr.
 orationem dicens : Imperitus audiens , quod non intel-
 ligit , nescit finem orationis . & non respondet *Amen* ,
 idest verum , ut confirmetur benedictio. Hactenus
 Amalarius. Sed sententia , quam tribuit Ambrosio ,
 Hilarii Diaconi est , cuius sunt Commentaria in Paulum
 Ambrosio adscripta. Hujus Hilarii meminit (m) Au-
 gustinus , cum Sanctum vocans ex usu temporum , ci-
 tatque locum ex his Commentariis in caput 5. epistolæ
 ad Romanos. D. quoque Hieronymus ejusdem men-
 tionem facit in Dialogo adversus Luciferianos , ipsum-
 que appellat orbis Deucalionem ob inductum anabaptis-
 sum. Quod verò benedictio pro Collecta accipi soleat ,
 probatur etiam ex (n) Augustino his verbis. An quis
 Sacerdotem super fideles Dominum invocantem , si
 quando dixit , Da illis Domine in te perseverare usque
 in finem , non solum voce ausus est , sed saltē cogita-
 tione reprehendere , ac non potius super ejus talem
 benedictionem , & corde credente , & ore confitente
 respondit *Amen* ? Cæterum S. Benedictus nullam in
 reliquis horis Collectæ mentionem facit , ut vel inde
 discas præcipuam earum institutionem ad Magnum
 Gregorium pertinere. Notat autem sancta Hildegardis
 præclarissimi ingenii fœmina in explicatione regulæ

k Amalar. l. 2. c. 9. l 1. Cor. 14. 16. m Aug. adv. duas epist. Felag. lib. 4.
 cap. 4. n Aug. de dono persever. cap. 23.

nullam Collectam designari à sancto Patre , nisi tantum post Evangelium , quia Dominica oratione nullam pretiosiorem invenit , per quam divinum Officium terminaretur . Præclarè de Collectis , eam mque materia (o) Gennadius Massiliensis . Cum sanctorum plebium præfules mandata sibi met legatione fungantur apud divinam clementiam , humani generis agunt causam , & tota secum Ecclesia congemilcente postulant . & presentantur , ut infidelibus donetur fides , ut idololatrá ab impietatis suæ liberentur erroribus , ut Judæis ablato cordis velamine lux veritatis appareat , & hæretici Catholicæ Fidei perceptione resipiscant , ut Schismatici spiritum redivivæ charitatis accipiant , ut lapsis penitentiæ remedia conferantur , ut denique Catechumenis ad regenerationis Sacra menta perductis cœlestis misericordiæ aula referentur .

III. At vero Sacerdos , priusquam orationem incipiat , divinissimam salutationem , ut verbis utar (p) Dionysii Areopagitæ , præmittit dicens , *Dominus vobiscum* . De qua salutatione extat Canon (q) Concilii primi Bracarensis ejus antiquitatem ostendens his verbis . Placuit ut non aliter Episcopi , & aliter Presbyteri populum , sed uno modo salutent dicentes : *Dominus sit vobiscum* , sicut in libro Ruth legitur , & ut respondeatur à populo , *Et cum spiritu tuo* sicut & ab ipsis Apoⁿolis traditum omnis retinet Oriens , & non sicut Priscilliana pravitas permotavit . Eadem utitur sanctus Martyr Ignatius in fine epistolæ ad Tharsenses . (r) Maximus quoque Martyr de ea sic scribit in Ecclesiastica mystagogia . Spiritualis salutatio , quæ Latinis est *Dominus vobiscum* , Græcis Εἰρήνη πᾶσιν , *Pax omnibus* , honorum omnium consensum , & concordiam , & rationalem quodammodo identitatem per fidem , & dilectionem præfigurat . Respondet populus , *Et cum spiritu*

^o Gennad. lib. de Eccl. dogm. c. 30. p Dionys. lib. de Eccl. Hierarch. ^q Conc. Brac. c. 21. ^r Maxim. Martyr. cap. 47.

tuo, quæ verba, teste (*f*) Chrysostomo, nihil aliud significant, quam communem esse orationem plebis, & Sacerdotis; Unum enim corpus sumus. Nihil autem melius invenit Ecclesia, ut observat (*t*) Florus Magister, quod optaret Sacerdoti, nisi quod Sacerdos optat Ecclesiæ, ut idem Dominus, qui dignatur esse cum Ecclesia, dignetur etiam esse cum spiritu Sacerdotis. Et bene Dominus cum spiritu hominis esse optatur, quia in spiritu, & mente rationali creatus est homo ad imaginem, & similitudinem Dei. Aliter explicat hanc responsionem (*u*) Isidorus Pelusiota. Illud autem quod à plebe respondetur, *Et cum spiritu tuo*, hanc habet sententiam: Pacem quidem nobis præbuisti Domine, hoc est mutuam inter nos concordiam. Pacem autem nobis da, hoc est hujusmodi tecum conjunctionem, quæ nullo modo divelli possit, ut cum spiritu tuo pacati, quem nobis in creationis initio indidisti, à tua charitate distrahi nequeamus. Scripsit vero de hac salutatione elegantissimum opusculum Petrus Damianus, quod omnino legendum est à studio rerum Ecclesiasticarum Lectore. Ego pauca delibo, & in gustum de hoc ne^ctare propino. Id quod dicitur *Dominus vobiscum*, Sacerdotis, inquit, ad populum est Salutatio. Orat enim, ut Dominus sit cum eis, sicut dignatur dicere per Prophetam. *Inhabitabo in illis*: & Salvator discipulis suis, cunctisque fidelibus, *Ecce*, inquit, *ego vobiscum sum*. Qui nimirum salutationis sermo non moderno humanæ adinventionis arbitrio constitutus, sed ex antiqua sacri eloquii auctoritate probatur assimus. Ubi si diligenter inquiritur, s^pepius singulariter, & pluraliter appositus invenitur. Singulariter sicut ad B. Dei Genitricem Angelus dicit, *Ave gratia plena, Dominus tecum*. Ad Gedeonem quoque ait, salutando. *Dominus tecum virorum fortissime*. Pluraliter autem ut in

f Chrysost. homil. 18. in 2. ad Cor. *t* Florus in ex. missæ. *u* Isidor. lib. 1a Ep. 122.

336 DE SINGULIS PARTIBUS

libro Ruth Booz salutando messoribus suis ait, *Dominus vobiscum.* Et sicut Propheta à Deo missus invenitur salutasse Asa Regem Iuda cum exercitu suo victorem de prælio revertentem dicendo, *Dominus vobiscum, quia fuisti cum eo.* Ecclesia ergo salubri salutatione accepta Sacerdotis, & ipsa resalutando orat, & orando resalutat postulans, ut sicut ille Dominum esse cum ipsis operavit, ita & cum eo esse dignetur dicens, *Et cum spiritu tuo, id est cum anima tua sit, ut eum dignè pro nostra salute possis orare.* Et notandum quod non dicit tecum, sed cum spiritu tuo, ut totum quod in Officiis Ecclesiasticis geritur, spiritualiter fieri perpendatur. Eadem ferè verba in expositione Missæ Remigii Antissiodorensis reperiuntur, qui Petro Damiano antiquior est. Porrò Sacerdos Collectam dicturus tam se, quam alios ad orandum hortatur dicens, *Oremus, id que ex antiqua Ecclesiæ consuetudine, ut patet in Liturgiis Sanctorum Jacobi, Marci, Basilii, & aliorum. Meminit hujus ritus S. (x) Augustinus.* Nam populus post indicatam à Sacerdote orationem aliquantulum orabat sub silentio, & deinde Sacerdos communes populi preces colligebat, & offerebat Deo. (y) Stephanus Eduensis; Exclamat, inquit, Sacerdos, *Oremus monens se, & alios orare, quia Dominus oravit, & discipulos ad orandum excitavit.* Et inter Græcos non contemnendus auctor, sed Schismaticus, (z) Nicolaus Cabasilæ; Hortatur, ait, ad orationem Sacerdos, ut qui ad orandum sit ordinatus, & sit populi præpositus, intercessor, & mediator.

IV. Tandem Collecta hac celeberrima clausula concluditur, *Per Dominum nostrum Iesum Christum Filium tuum, qui tecum vivit, & regnat in unitate Spiritus sancti Deus per omnia secula seculorum.* Ad Patrem enim dirigitur oratio, ut Concilium Carthaginense tertium

x Aug. epist. 107. y Steph. Eduensi de saer. alt. cap. 12. z Nica Cabasi, expos. Liturg. cap. 12.

decrevit, & per Filium terminatur, ut ipse olim præceperat, *Quodcumque petieritis Patrem in nomine meo, dabis vobis.* Ipse itaque est, qui interpellat pro nobis, ipse frater, & caro nostra, ipse mediator Dei, & hominum Deus, & homo Christus Jesus. De hoc mysterio B. (a) Fulgentius Rusensis Episcopus libellum scripsit ad Trasimundum Regem Arianum; eleganter ostendens, qualiter oportuerit mediatorem Dei & hominum, verum Deum & verum hominem esse, ut per ipsum omnia nobis necessaria ab aeterno Patre concederentur. Ad eundem Fulgentium epistolam scripsit Ferrandus Diaconus Carthaginensis quinque quæstionum solutionem ab eo postulans. Harum quarta hæc est. Unum, inquit, regnum Patris, & Filii, & Spiritus sancti credimus, & fatemur, simul eos dominari creaturis omnibus sentientes. Quare ergo in orationibus Sacerdotum *Per Iesum Christum Filium tuum Dominum nostrum, qui tecum vivit & regnat in unitate Spiritus sancti,* per universas penè Africæ regiones Catholica dicere consuevit Ecclesia; tanquam solus Filius cum Patre possideat regnum, in unitate scilicet Spiritus sancti, ut regnantes adunare, non simul regnare Spiritus sanctus intimetur? Respondet elegantissime ad hanc dubitationem (b) Fulgentius. Ipsum consulat cui libet, nam responsio longior est, quam ut hic debeat integra transcribi. Afferit autem nos per Jesum concludere orationem, quod ille mediator sit. Tum ex doctrina B. [c] Augustini concludit ideo nos unitatem Spiritus sancti cum Patre, & Filio prædicare, ut ex ipso unitatis nomine una essentia, & ex hoc unum regnum, & in eodem uno regno una Trinitatis potestas, unaque maiestas à fidelibus agnoscatur: ne putetur aut Filius, aut Spiritus sanctus secundum divinam naturam ita cum Patre regnare, quemadmodum

^a Fulgent. lib. 1. ad Trasimund. ^b Fulg. ep. ad Ferrand. de v. questionib.
^c Aug. lib. 6. de Trinit.

338 DE SINGULIS PARTIBUS

cum potiore regnat inferior, sed illa unitas Spiritus sancti, que est communio Patris & Filii, dum in illo regno unitatem Divinitatis monstrat, unam esse regnandi aeternitatem, unam potestatem, unam maiestatem, unamque dominationem summæ Trinitatis edoceat. Nullum autem prejudicium Filio, vel sancto spiritui comparatur, ut idem (*d*) Fulgentius alibi scribit, dum ad Patris personam precatio ab offerente dirigitur, cuius consummatio, dum Filii, & Spiritus sancti complectitur nomen, ostendit nullum esse in Trinitate discrimen: quia dum ad solius Patris personam honoris sermo dirigitur, bene credentis fide tota Trinitas honoratur; & cum ad Patrem licet destinatur intentio, sacrificii munus omni Trinitati uno eodemque offertur licetis officio. Collectæ autem ferè omnes diriguntur ad Patrem, paucæ ad Filium, nulla ad Spiritum sanctum, quia cum procedat ut dominum, proprium ejus est dari potius quam dare. Cum vero de extrema Collectæ clausula agimus, non parergon fortasse fuerit admonuisse, quod nos dicimus *Personæ secula sæculorum*, Græcè dici εἰ τοις ἀναρχαῖς οὐδὲν; idque notasse non piget, ut hujus clausule antiquitas dignoscatur. Sanctus enim (*e*) Irenæus Episcopus & Martyr, S. Polycarpi discipulus redarguens Valentini Hæsiarchæ portentosum commentum de triginta Æonibus variisque Æonum generationibus, refert discipulos Valentini conatos fuisse illius erroris Catholicos participes facere, quod in Orationibus dicerent æonas eorum, id est sæcula sæculorum. Quid sit autem sæculorum sæculum his qui altiori doctrina digni sunt, ostendit apex Theologorum (*f*) Dionysius in libro de divinis nominibus.

V. Post precationem, & collectam totus cœtus accepit *Amen*, cuius responsoris antiquitas manifesta

d Fulg. l. 2. ad Moninum cap. 5. *e* Iren. lib. 1. c. 2. & ex eo Epiphani. lib. 1. cap. 2. hæsi 3. *f* Dionys. de Ædiv. nom. cap. 5.

DIVINÆ PSALMODYÆ CAP. XVI. 539

est, tum ex Apostolo, tum ex Patribus (*g*) Justino, Tertulliano, & aliis. *Amen* vox Hebraica est, qua utuntur sacræ literæ ad aliquid confirmandum. Latinè idem sonat ac verè, fideliter, sic est, ita fiat. In alienum idioma ab Interpretibus translata non fuit propter sui excellentiam, & ne, Grecè vel Latinè reddita, vim amitteret. Oraculum Zoroastris Magorum Principis, est, nunquam mutanda esse in sacris nomina barbara. Verba item antiqua in divinis sacrificiis efficaciora esse Platonici, & Cabalistæ (quos in multis convenire (*h*) Leo Hebræus eleganter ostendit) ea ratione asserunt, quia antiquum æternitati, quæ Deus est, proximè accedit. Hanc verò doctrinam Psellus in Scholiis Zoroastris quamvis non omnino probet, asserit tamen singulas gentes habere quædam nomina divinitus data, quæ incredibilem vim habent in sacris, ut *Seraphim*, *Cherubim*, *Michaël*, *Gabriël*. Hujusmodi est vox *Amen*. Ecclesia eam adhibet tanquam sigillum confirmans, & consignans præcedentes precationes. Nam, ut ait B. Yvo Carnotensis Episcopus libro de convenientia veteris, & novi sacrificii, hac voce participem se facit populus omnium charismatum, quæ Sacerdos multipli Sacramentorum diversitate studuit impetrare. Ideò (*i*) Augustinus libro de catechizandis rudibus monet Antistites, ut distinctè orent, quatenus populus ad id quod intelligit dicat *Amen*. Notat (*k*) Urbanus Quartus Pontifex maximus tres significationes habere hoc vocabulum, nam quandoque accipitur nominaliter, & significat nomen Dei, *Hec dicit Amen testis fidelis*. Aliquando sumitur adverbialiter, ut passim in Evangelii. *Amen*, *Amen dico vobis*, & significat, verè, infallibiliter, ita est sicut dico vobis. Tandem accipi solet verbaliter, & idem est ac fiat. Hoc sensu in fine

g Justin. Apolog. ad Anton. Tertull: de spect. cap. 25. Athanaſ. Apolog. ad Constan. *h* Leo Hebr. dial. 3. de Amore, i Aug. de cat. rud. cap. 9. *k* Urbans in fine metaphras, in Ps. 50.

Orationum ponitur : & Psalmista in fine quorumdam Psalmorum ad prædictorum confirmationem hanc vocem ingeminat, quia ubi nos legimus *fiat, fiat*, in Hebraïco habetur *Amen, Amen*. Alias afferit hujus vocis significaciones S. (1) Ambrosius, ut aliquando sit imperantis, interdum precantis, interdum vero confirmantis. Idem afferit B. Ogerius Abbas Locedii Ordinis Cisterciensis serm. 7. de Cœna Domini inter opera D. Bernardi. Baptista (m) Vernacia magni spiritus, & cœlestis doctrinæ sanctimonialis, libro de unione cum Deo triplex *Amen* distinguit: divinum, Angelicum, & viatorum. Deus dicit *Amen*, quia est prima, & summa veritas: Angeli dicunt *Amen*, ut in Apocalypsi, gaudentes Deum esse id quod est: Viatores dicunt *Amen*, desiderantes ad eum pervenire, qui est veritas æterna. In Thalmudicis Massecheth Berachet apud Angelum (n) Caninium in locis novi Testamenti, dum audientium oscitantia reprehenditur, triplex malum, & illegitimum *Amen* describitur. Nam cum ille qui respondet *Amen* non intellexit quod dictum est, *Amen pupillum* appellatur: cum autem *Amen* pronunciatur, antequam perfecta sit oratio, surreptitium dicitur, ex oratione nondum absoluta aliquid surripiens: At vero cum aliud agens respondet *Amen*, scibile nuncupatur, quasi disiectum in duas partes. Plura de hac voce Archangelus Burgonensis in dogmatibus Cabalisticis conclusione ultima, cuius hanc unicam observationem notatu dignissimam præterire nequeo, quam à (o) Joachimo Abbe accepit. Hoc verbo, Inquit, utitur Dominus in Evangelio, sed & nos cum aliquid affirmare volumus, respondere solemus *Amen*. Hoc tamen distat, quia Deus in principio, nos autem in fine orationis uti consuevimus verbo isto, ut ipsum

¹ Ambros. in Ps. 40. m Ep. Vernac. lib. de unione cum Deo c. 115. & n^o 26
n^o Canin. cap. 5. o Joach. Ab b. in c. 1. Apoc.

esse auctorem veri, nos autem veritatis discipulos, dum
si, & in eum credimus demonstremus.

§. XVIII.

DE SYMBOLO ATHANASII.

*Quando Symbolum scripsit Athanasius. Cur die Dominica
recitetur. Notantur obiter hujus diei prærogative.*

I. **A**thanasius Archiepiscopus Alexandrinus magnum illud Christiani orbis prodigium, omniumque virtutum sacrarum sub Constantino Augusto florere cœpit, & sub Valente vivere mundo desit, ut viveret Deo. Hic, teste (*a*) Baronio, cum esset Romæ anno quarto Julii Summi Pontificis, Symbolum scripsit suæ fidei memorabile documentum, quod Latino idiomate coram Pontifice recitavit. In hoc autem Symbolo sive componendo, sive è Græco in Latinum traducendo adjutorem fuisse Athanasio Eusebium Vercellensem Episcopum refert Guillelmus Baldesanus in Historia Pedemontana, quæ manuscripta Taurinia afferuntur in Bibliotheca Ducis Sabaudiæ, ex tabulario Vercellensis Ecclesiæ. Imò solum Eusebium ejus Auctorem agnoscent aliqui, ut testatur Vossius in fine dissert. 2. de tribus Symbolis, qui etiam ait Latinè primum scriptum fuisse, & ex Latino Græcè redditum, nam Latinus contextus unus est, Græca autem exemplaria plurimum variant. Jam supra dictum est, quid per Symbolum intelligamus, & quam multæ sint hujus vocis significationes, quas omnes elegantia carmine explicavit in Symbolicis quæstionibus (*b*) Achilles Bocchius Bononiensis. Est autem hoc Symbolum tessera Orthodoxorum Apostolicæ fidei fusio rem continens ex-

a Baron. anno. 340. num. 11. *b* Achil. Bosch. initio lib. 1. q. q. Symbolicorum.